



Жонажон Ўзбекистоним, мангу бўл омон!

Inson manfaatlari — oliy qadriyat

АДОЛАТ

IJTIMOIIY-SIYOSIIY GAZETA info@adolatgzt.uz www.adolatgzt.uz www.adolat.uz № 29 (1250) 2019-yil 19-iyul, juma

Ўзбекистон Республикаси Президентининг
ҚАРОРИ

ЎЗБЕКИСТОН РЕСПУБЛИКАСИ АВТОМОБИЛЬ САНОАТИНИ ЖАДАЛ РИВОЖЛАНТИРИШГА ОИД ҚЎШИМЧА ЧОРА-ТАДБИРЛАР ТЎҒРИСИДА

Автомобиль саноатини жадал ривожлантириш ва унинг инвестициявий жозибадорлигини оширишни таъминлаш, илгор халқаро тажриба асосида замонавий бозор механизмлари ва бошқарув усулларини жорий қилиш, шунингдек, ички ва ташқи бозорларда рақобатбардош ишлаб чиқаришни яратиш мақсадида:

1. 2019-2023 йилларда Ўзбекистон Республикаси автомобиль саноатини ривожлантиришнинг асосий кўрсаткичлари этиб куйидагилар белгилансин:

енгил автомобиллар ишлаб чиқариш ҳажмини 350 минг донагача ошириш;

енгил автомобилларни маҳаллийлаштириш даражасини ўрта ҳисобда 60 фоизгача етказиш;

юк автомобиллари ва автобуслар ишлаб чиқариш ҳажмини 10 минг донагача ошириш;

автомобилларнинг йиллик экспорт ҳажмини 100 минг донагача етказиш;

2-БЕТ

САЙЛОВ



Партиянинг янги дастурлари лойиҳаси

ВИДЕОСЕЛЕКТОР ЙИҒИЛИШИДА ҚИЗҒИН МУҲОКАМА ЭТИЛДИ

Маълумки, жорий йилнинг декабрь ойида мамлакатимизда Олий Мажлис Қонунчилик палатаси ва маҳаллий ҳокимият вакиллик органларига сайловлар бўлиб ўтди. Сайловга республикаимиз тараққиётини таъминловчи халқчил ғоялар ҳамда дастурлар билан кириб бориш ҳар бир сиёсий партия учун муваффақият гарови бўлиб хизмат қилади. Табиийки, халқчил ва ҳаётбахш ғоялар “қуйидан марказга” тизими орқали шаклланади.

Шу мақсадда жорий йил 16 июль куни Ўзбекистон “Адолат” социал-демократик партиясининг янги Сиёсий дастури ва Сайловолди дастури лойиҳалари муҳокамасига бағишланган видеоселектор йиғилиши бўлиб ўтди. Онлайн-мулоқотда Ўзбекистон “Адолат” СДП Сиёсий Кенгаши Марказий аппарати масъул ходимлари, Олий Мажлис Қонунчилик палатасидаги

партия фракцияси аъзолари, фаоллар ҳамда экспертлар, ҳудудий студияларда партиянинг ҳудудий кенгашлари ходимлари, туман (шаҳар) кенгаши раҳбарлари, маҳаллий ҳокимият вакиллик органларида фаолият юритаётган партия депутатлари, сиёсий кучнинг бошланғич ташкилотлари вакиллари — жами 1200 нафардан зиёд фаоллар қатнашди.

Анжумани партия Сиёсий Кенгаши раиси Наримон Умаров очар экан, барчани муҳокамада амалий тақлифлар билан фаол иштирок этишга чорлади.

Йиғилишда таъкидланганидек, партиянинг 2009 ҳамда 2014 йилдаги Сайловолди дастурларида кўтарилган бир қатор муҳим ташаббус ва ғояларнинг аксарияти ўтган вақт мобайнида Ўзбекистон Республикаси Президентининг қарор ва фармони, қонунлар ва бошқа норматив-ҳуқуқий ҳужжатлар асосида ижрога йўналтирилди. Мамлакатимизни инновацион иқтисодиётга асосланган ҳолда ривожлантириш, бошқарувда очиқлик, ошқоралик, ҳисобдорликни таъминлаш мақсадида

“электрон ҳукумат”ни йўлга қўйиш, муқобил энергия манбаларини ривожлантириш асосида рақобатли энергетика бозорини ташкил этиш, тиббиёт соҳасида талаб юқори бўлган хизматларни (трансплантация, ЭКО) кенг йўлга қўйиш каби масалалар шулар жумласидандир.

— Партияимизнинг навбатдаги дастурларига ҳам яқин ва узоқ йилларда мамлакатимизнинг тараққиёт истиқболларини олдиндан ҳисобга олган ҳолда долзарб масалаларни киритишимиз лозим, — деди ўз сўзида партия Сиёсий Кенгаши раиси ўринбосари Абдуқамол Раҳмонов. — Токи бу ҳаётини тақлифлар, ғоя-мақсадларимизнинг амалга оширилиши халқимиз фаровонлиги, электорати-

миз манфаатларига хизмат қилсин.

Маълумки, давлат ва жамият ривожини учун муҳим аҳамиятга эга бўлган ғоялар, йўналишлар, тамойилларни кўтариб чиқиш ва уларни амалга ошириш йўллари белгиланган сиёсий партиянинг асосий вазифаларидан бири саналади. Демак, Ўзбекистон “Адолат” социал-демократик партиясининг муҳокамага қўйилган янги дастурлари лойиҳаларини ҳар томонлама пухта ишлаб чиқиш, унинг ҳар бир банди сафдошларимиз, партиянинг барча бўғиндаги тузилмалари, депутатлари, фаоллар, экспертлар, энг асосийси, халқимиз фикри асосида тақомилга етказилиши лозим.

3-БЕТ

ХОВОС ҲАВАС МАСКАНИГА АЙЛАНМОҚДА

Президент Шавкат Мирзиёев жойларда амалга оширилаётган бунёдкорлик ишлари, ижтимоий-иқтисодий ислохотларнинг бориши билан танишиш мақсадида 18 июль куни Сирдарё вилояти Ховос туманига ташриф буюрди. Давлатимиз раҳбари дастлаб Ховос тумани марказида амалга оширилаётган бунёдкорлик ишлари билан танишди.

2-БЕТ

ФРАКЦИЯ ЙИҒИЛИШИ



Автомобиль ойналарини қорайтириш масаласи

депутатлар муаммони қандай ҳал қилмоқчи?

Олий Мажлис Қонунчилик палатасидаги Ўзбекистон “Адолат” СДП фракциясининг 2019 йил 18 июль куни бўлиб ўтган навбатдаги йиғилишида қонун лойиҳалари билан бирга, мамлакатимиз ижтимоий-иқтисодий ҳаётига оид бир қатор муҳим масалалар кўриб чиқилди.

Президентимиз раислигида 15 июль куни узлуксиз профессионал таълим тизимини янада такомиллаштириш масалаларига бағишланган йиғилишда кўтарилган муҳим вазифалар ҳақида партия депутатлари ат-

рофлича сўз юритишди. Фракция аъзолари ҳар қандай соҳанинг ривожини, лойиҳаларнинг амалиётга муваффақиятли жорий этилиши етук кадрлар салоҳиятига боғлиқ эканини таъкидлаб, кадрлар тайёрлаш йўналишида олиб борилаётган ислохотларни қўллаб-қувватладилар.

Маълумки, давлатимиз раҳбари томонидан коллежлар негизинда профессионал таълим муассасаларининг янги тармоғини шакллантириш вазифаси қўйилган эди. Депутатлар ушбу муассасаларда бошланғич, ўрта ва ўрта махсус профессионал таълим дастурлари асосида кадрлар тайёрлаш йўлга қўйилиши, айниқса, ўқитиш муддатлари зарур билим, малака ва кўникмаларнинг мураккаблигига қараб турлича белгиланишини ҳаётнинг ўзи тақозо қилаётганини айтиб ўтишди.

Фракция йиғилишида, партия Сайловолди дастуридан келиб чиқиб, ушбу муассасаларда қисқа муддатли қайта тайёрлов ва малака ошириш курсларини ҳам жорий этиш тақлифи билдирилди. Шунингдек, жойларда ишсизлик кузатилаётган бир пайтда ишчи касблар бўйича му- тахассисларга катта эҳтиёж борлиги таълим ва ишлаб чиқариш ўртасида уйғунлик йўқлиги оқибати экани қайд этилди.

4-БЕТ

Кам таъминланган оилалар учун арзонлаштирилган уйлар қурилмоқда



Самарқанд вилоятида аҳолининг кам таъминланган, ижтимоий ҳимояга муҳтож қатлами учун арзонлаштирилган уйлар қуриш тезкорлик билан, энг асосийси сифатли амалга оширилмоқда.

“Қишлоққурилишинвест”-нинг вилоят бўлимидан олинган маълумотга кўра, ҳозир туманларда 1690 та хонадонга мўлжалланган ана шундай кўркам тураржойлар барпо этилмоқда. Юқори касбий тай- ёргарликка ва моддий-техник

базага эга бўлган 80 дан ортиқ қурилиш ташкилотларининг бунёдкорлари бу муҳим вазифани сизидилдан адо этмоқдалар.

“Бунёдкор Самарқанд” хусусий қурилиш корхонаси ана шундай ишчан, ҳозиржавоб

меҳнат жамоаларидан бири саналади. Ўтган уч йил давомида вилоятнинг турли қишлоқларида етмишдан ортиқ уй- жой биноларини қурган ва кўплаб оилаларнинг эътирофига сазовор бўлган мазкур жа- моа ҳозир Самарқанд туманидаги “Паррандачилик” маҳал- ласида 48 хонадонга мўлжал- ланган 2 та тўрт қаватли уй қурилишини ниҳоясига етказ- моқда.

— Биз барпо этаётган уй- лар тижорат йўли билан қури- лаётган уйлардан деярли икки баробар арзон, — дейди “Бунёдкор Самарқанд” кор- хона раҳбари Шухрат Мамат- кулов. — Кўчиб кирмоқчи бўлган оилаларга ҳамма ша- роитни муҳайё қилиб, уйлар- нинг калитини топшираимиз. Оила янги уйда дастурхон ат- рофида жамулжам бўлиб ўти- рганини кўрсак, ўзимиз ҳам хур- санд бўлиб кетамиз. Қурувчи- лик касбининг масъулияти ва ана шундай қувончли дамлари бизга фахр-ифтихор бағиш- лайди.

Зоҳир ТўРАҚУЛОВ,
“Адолат” мухбири

Автомобиль ойналарини қорайтириш масаласи

депутатлар муаммони қандай ҳал қилмоқчи?

Давом.
Бошланғичи 1-бетда

Шу билан бирга, фракция аъзолари ўз сайлов округлари ҳудудларининг ижтимоий-иқтисодий имкониятларидан келиб чиққан ҳолда меҳнат бозорига ишчиларга талаб ва таклифни шакллантириш, таълим тизими бўйича таклиф этилаётган чора-тадбирларни янада такомиллаштиришда фаол иштирок этишга доир вазифалар белгилаб олинди.

Депутатлар бугун ҳалқимизни ўйлантираётган ва қатор муҳокамаларга сабаб бўлаётган яна бир ҳаётий масалага ҳам эътибор қаратдилар. Яъни бу йилги ёз ойлари Ўзбекистон метеорологик кузатувлар тарихи давомида энг иссиқ келганлиги қайд этилмоқда. Бундай жазирама кунлар, айниқса, автомобиль ҳайдовчиларига қийинчиликлар туғдиришда. Шу боис ижтимоий тармоқларда кенг жамоатчилик, хусусан, ҳайдовчилар томонидан қизгин баҳс-мунозаралар сабаб бўлаётган мавзу, шубҳасиз, автомобиль ойналарини қорайтириш ("тонировка") масаласидир.

Йиғилишда таъкидланганидек, "Адолат" СДП фракцияси аъзоларига юрдошларимиз томонидан ҳайдовчи ва йўловчиларни ёзнинг жазирама иссиғидан ҳимоя қилишда етарлича шароитлар яратиш юзасидан қўллаб-қувватлаб келиб тушмоқда. Мурожаатларда асосий масала сифатида ёзнинг иссиғидан, қуёш нуридан, айниқса, ультрабинафша нурлардан сақланишда автомобиль ойналарини қорайтиришга рухсат бериш сўралган.

Вазирлар Маҳкамасининг "Туси ўзгартирилган (қорайтирилган) ойнали енгил автотранспорт воситаларидан фойдаланишни тартибга солиш чора-тадбирлари тўғрисида"ги қарорига мувофиқ, автомобиль ойналарининг тусини ўзгартириш (қорайтиришга) рухсатнома олиш жисмоний шахслар учун — энг кам ойлик иш ҳақининг тўқсон баравари (18 245 700 сўм), юридик шахслар учун — энг кам ойлик иш ҳақининг бир юз йигирма баравари (24 327 600 сўм) миқдордаги маблагни тўлаш орқали амалга оширилади. Табиийки, аксарият ҳайдовчиларнинг бунча маблаг тўлаш эвазига бир йилгагина рухсатнома олишга моддий имконияти етарли эмас.

Депутатлар томонидан таъкидланганидек, агар ушбу суммани тўлашга ҳайдовчининг қурби етса ҳам, бу хали унинг машинада иссиқдан ҳимояланиши таъминланади, дегани эмас. Чунки қарорга асосан, автотранспорт воситасининг фақатгина орқа ойналари тусини ўзгартиришга рухсат берилади, ҳолос. Демак, тўловни амалга оширган ҳайдовчи машинанинг қолган ойналари қорайтирилмаганига боис аслида ҳам пул тўлайди, ҳам яна офтоб нуридан ҳимояланмай қолади.

Албатта, бугунги кунда ижтимоий тармоқларда, турли веб-сайтларда ойналар тусини ўзгартириш учун белгиланган тўлов жуда қимматлиги, уни бутунлай бекор қилиш ёки маблаг миқдорини камайтириш, дарлардага рухсат бериш тўғрисида таклифлар билдирилмоқда. Ички ишлар вазирлиги мутасаддилари ушбу тўлов миқдорини ўзгартириш ҳақида бирор муносабат билдирмаган ҳолда машина ойналарининг тусини ўзгартириш фуқароларимиз хавфсизлигига салбий таъсир ўтказишини маълум қилиш билан чекланмоқда.

Ўзбекистон "Адолат" СДП фракцияси аъзолари фуқароларимизни қийнаётган ушбу масала юзасидан аҳоли фикрлари, ижтимоий тармоқлардаги муносабатлар ва мутасадди вазирлик позициясини ўрганиб, ҳам халқ манфаатлари, ҳам хавфсизлик талабларини инобатга олган ҳолда ўз таклифларини ишлаб чиқди.

Қайд этилганидек, бугунги кунда автотранспорт воситалари учун эътиёт қисмлари билан савдо қилиш дўконларида термал плёнка ҳам сотилмоқда. Ушбу плёнка бир мунча шаффоф бўлиб, унинг асосий вазифаси автомобиль салонини қуёшнинг ультрабинафша нурларидан сақлаб, жазирамада исиб кетишни бирмунча камайтиради.

Шунингдек, йиғилишда ҳайдовчи ва йўловчилар учун қўлайликлар яратиш мақсадига таклиф этилаётган термал плёнка билан қопланган автомобиль ойналарининг бир неча намуналари кўргазма тарзда тақдим этилиб, уларнинг афзаллиги ва қўлайликлари бўйича йиғилганларга батафсил маълумотлар берилди.

Мазкур намуналардан кўриш мумкинки, термал плёнка ўз хусусиятига кўра тонировка плёнкасидан анча устунликка эга ва ҳайдовчилар учун ҳам ён-атрофни кўришга ҳалақат бермайди. Энг асосийси, транспорт воситасининг ичидagi шахслар ташқаридан бемалол кўринади ва ҳеч кимнинг хавфсизлигига даҳл қилмайди.

Депутатларнинг ушбу ташаббусини йиғилишда иштирок этган Вазирлар Маҳкамаси масъул ходимлари, Давлат йўл ҳаракати хавфсизлиги ва "Ўзстандарт" агентлиги мутахассислари қўллаб-қувватлашди ва бу орқали фуқароларимизга автомобилдан фойдаланишлари учун қўлай шарт-шароит яратилиши ҳақида фикр-мулоҳазалар билдирилди.

Депутатлар эътироф этганидек, ушбу масалада муаммонинг ечимини сифатида Ҳукумат қарорига тегишли ўзгартириш киритишни назарда тутувчи таклиф тайёрланмоқда. Яъни йўл ҳаракати қоидаларининг 3-илоvasи 7.4-бандига мувофиқ, транспорт воситасининг олд, ён ва орқа ойналарининг ёруғлик ўтказувчанлиги 70 фоиздан кам бўлса, ундан фойдаланиш тақиқланиши белгиланган нормани қайта кўриб чиқиш мақсадга мувофиқ. Унга кўра, мамлакатимизда ушбу 70 фоиз чеклови 15 фоизга камайтирилиб, яъни 55 фоизгача туширилса, ҳайдовчилар бемалол термал плёнкадан фойдаланиши мумкин бўлади. Бу эса нафақат йўловчиларга, балки ҳайдовчилар учун ҳам афзалликларга эга имконият саналади. Депутатлар ушбу амалиётни жамоат транспортларида ҳам қўллаш мумкинлиги таклифини илгари суришди.

Билдирилган фикр-мулоҳазалар ва муҳокамалардан сўнг мазкур масала юзасидан фракция таклифларини Вазирлар Маҳкамасига тақдим қилишга келишиб олинди.

Фракция йиғилишида банк-молия, суд-ҳуқуқ ва бошқа соҳаларга оид қонун лойиҳалари ҳам кўриб чиқилиб, тегишли қарорлар қабул қилинди.

Баҳром БУРХОНИДДИНОВ,
Ўзбекистон "Адолат" СДП Матбуот хизмати раҳбари

Жойларда қонун устуворлигининг таъминланиши халқнинг ишончли вакиллари бўлган депутатларнинг талаб даражасида фаолият олиб боришига боғлиқ. Кейинги йилларда маҳаллий ҳокимият вакиллик органларидаги партия гуруҳларининг жойларда норматив-ҳуқуқий ҳужжатлар ижроси устидан депутатлик назоратини амалга оширишдаги роли ва масъулияти ортаётганлиги бежиз эмас.

Фаолиятимизда АМАЛИЙ НАТИЖАЛАР МУҲИМ

Халқ депутатлари Жиззах вилояти Кенгашидаги Ўзбекистон "Адолат" СДП депутатлик гуруҳи аъзолари ҳам ҳудудни ижтимоий-иқтисодий ривожлантириш, фуқароларнинг манфаатларини рўйбга чиқариш, аҳолининг таклифларини ўрганишга алоҳида эътибор қаратишмоқда. 2019 йилнинг ўтган даври мобайнида депутатлик гуруҳи аъзолари томонидан бир қатор муаммоларни ҳал этиш мақсадида мутасадди ташкилотлар раҳбарларига жами 39 та депутатлик сўровлари чиқарилди. Шундан 24 таси ижобий ҳал этилиб, қолган сўровлар бўйича амалий ишлар давом этмоқда.

Шу ўринда айрим мисолларни келтириб ўтсак. Депутатларнинг сайёр қабуллари чоғида Жиззах шаҳар "Сайилжой" маҳалла фуқаролар йиғинида истикомат қилувчи, кам таъминланган фуқаро Кўчқор Ҳайдаровнинг арзон уй-жой олиш масаласида қилган мурожаати бўйича депутат Дилмурод Худойшукров тегишли сектор раҳбари, шаҳар солиқ инспекцияси бошлиғига депутатлик сўрови киритди. Қ.Ҳайдаров арзон уй-жой сотиб олиши учун бошланғич тўлов маҳалла билан ҳамкорликда, ҳомийларни жалб этган ҳолда тўлаб берилди.

Дўстлик тумани "Наврўз" ШФЙ ҳамда "Мевазор" ҚФЙ аҳолисининг ичимлик суви ҳамда суюлтирилган газ таъминотида учраётган муаммолар ҳақидаги мурожаатлари асосида депутатлик гуруҳи аъзоси Омонгул Хайитова туман "Сув-оқава" корхонаси ҳамда "Тумангаз" корхонасига депутатлик сўрови юборди. Тез орада "Наврўз" ШФЙ ва "Мевазор" ҚФЙдаги хонадонларда ичимлик суви ва табиғий газ таъминоти яхшиланди.



Депутатлик гуруҳи аъзоларининг сайёҳаракатлари билан жорий йилнинг ўтган даври мобайнида Жиззах шаҳар, Дўстлик, Пахтакор туманларида яшовчи 15 нафар кам таъминланган фуқароларга турмуш шароитини яхшилаш ва соғлиқларини тиклаш учун моддий ёрдам кўрсатилди.

Фаллаорол тумани "Коризқудук" қишлоғида истикомат қилувчи кам таъминланган фуқаро Х.Бозоров ва Дўстлик туманида яшовчи фуқаро З.Ражабов соғлиги ёмонлашганлигини айтиб, даволашни учун амалий ёрдам сўраб депутат-

лик гуруҳи аъзоларига мурожаат қилишди. Депутат Нигора Бозорбоева уларнинг мурожаатларини ўрганиб, фуқароларнинг моддий жиҳатдан кам таъминланганлигини эътиборга олган ҳолда тегишли табибей бирлашмаларига депутатлик сўрови чиқарди. Иккала фуқаро ҳам зарур дори-дармон воситалари билан бепул таъминланиб, уларга ўз ҳудудидаги шифохоналарда даволашни имконияти яратилди.

Бугунги кунда ёшлар бандлигини таъминлаш долзарб вазифалардан бири ҳисобланади. Партиямизнинг "Бир ойда

— бир иш ўрни" лойиҳаси доирасида депутатлик гуруҳи аъзолари томонидан 30 нафарга яқин уюшмаган ёшлар ишга жойлаштирилди. Жумладан, форишлик Гулнора Ботирова 4-умумтаълим мактабига, зарбдорлик Юсуф Маматқулов "Дўстмурод ифтихори" фермер ҳўжалиғига ишчи вазифасига, Пахтакор туманида яшовчи Меҳриддин Юсупов тумандаги 2-умумтаълим мактабига тарих фани ўқитувчиси вазифасига, Жиззах шаҳрида истикомат қилувчи Олим Усмонов вилоят "Ер-мулк кадастр" давлат корхонаси Жиззах шаҳар филиалига мутахассис сифатида, форишлик Жаҳонгир Ибодуллоев туман йўллардан фойдаланиш унитар корхонасига ишчи вазифасига ишга жойлаштирилди.

— Урта-маҳсус маълумот олганим, шу боисми, анчадан бўён иш топишда қийинчиликларга дуч келаётганим, — дейди Жаҳонгир Ибодуллоев. — Аввалроқ туманда ободонлаштириш ва қурилиш соҳаларида ишладим. Лекин соғлигим ёмонлашганлиги сабабли ишдан бўшашга тўғри келиб, ишсиз қолгандим. Партия депутатлари ўзимга мос иш топишда амалий ёрдам кўрсатишди.

Халқ депутатлари вилоят Кенгашидаги партия депутатлик гуруҳи ташаббуси билан жорий йилнинг ўтган даври мобайнида Кенгаш сессиясига 5 та, доимий комиссияларга 16 та масала киритилиб, тегишли қарорлар қабул қилинди. Хусусан, сессияда партиямизнинг "Таълим сифати — партия йиғинида" лойиҳаси доирасида вилоятдаги халқ таълими муассасаларида олиб борилган ўрганишлар натижалари қизгин муҳокама этилди. Ҳудудларнинг ижтимоий-иқтисодий ривожланишида секторлар фаолиятини ўрганиш натижалари, вилоят ички ишлар бошқармасининг ҳудудда жиноятчилик, ҳуқуқбузарликларнинг олдини олиш, жамоат тартибини сақлаш ҳамда фуқаролар хавфсизлигини таъминлаш ҳолатига доир масалалар ҳам сессия иштирокчиларининг диққат марказида бўлди. Сессия қарорларининг ижроси устидан депутатлик назорати ўрнатилди.

Жасур ҚАРШИЕВ,
Ўзбекистон "Адолат" СДП
Жиззах вилоят кенгаши раиси
Ўринбосари

Сиёсий кучнинг мақсад-вазифаларини ҳаётга татбиқ этиш, айниқса, партия депутатларининг ташаббускорлик ва фидойилик билан иш олиб боришини тақозо этади. Шу мақсадда халқ депутатлари Фузор тумани Кенгашидаги Ўзбекистон "Адолат" СДП депутатлик гуруҳи аъзолари ҳам муайян натажаларга эришмоқда.

Қўлайликлар яратилмоқда

Жорий йилда депутатлик гуруҳимиз аъзолари томонидан жойларда фуқароларни ўйлантираётган масалалар, аниқланган муаммоларга ечим топиш мақсадида мутасадди ташкилотларга 26 та депутатлик сўрови киритилиб, шундан 22 таси ижобий ҳал этилиб, фуқароларнинг манфаатлари рўйбга чиқарилди. Қолган депутатлик сўровларида келтириб ўтилган масалалар бўйича ҳамкорликдаги сайёҳаракатлар давом этмоқда.

Туманимиз марказидаги "Амир Темур" маҳалласида яшовчи фуқаролар билан юзма-юз мулоқот чоғида Гулнора Сайфиева ва Зебо Очилова тadbиркорлик билан шуғулланиш истаги борлигини айтиб, кредит олиб, паррандачиликни йўлга қўйишда ёрдам беришимизни сўрашди. Халқ депутатлари туман Кенгаши депутати Инобат Кўзиёва уларнинг ташаббусини қўллаб-қувватлаш мақсадида мутасадди ташкилотларга депутатлик сўрови киритди. Ташаббуслар рағбатлантирилиб, Гулнора Сайфиева ҳамда Зебо Очилованинг ҳар бирига "Агробанк"нинг туман филиалидан 7 миллион беш юз минг сўмдан кредит ажратилди.

Жорий йилнинг май ойида "Шерали" сайлов округи ҳудудидаги "Капирин" қишлоғи хонадонларида бўлиб, аҳоли билан юзма-юз мулоқот уюштирилган фуқаролар қишлоғида ички йўллар носозлиги, бандлик масаласида муаммолар

борлигини баён этишган эди. Ушбу камчиликларни бартараф этиш учун дастлаб туман бандликка кўмаклашиш маркази раҳбари Фахриддин Ирناзаровга депутатлик сўрови юбордик.

"Капирин" қишлоғида истиқомат қилаётган фуқаролардан Азим Турдиев, Худойберди Юсупов, Жалол Чоршанбиев, Даврон Турдиев, "Янгикент" маҳалласида яшовчи Бахтиёр Жамолов, Элбурс Рахимов ва бошқа шу каби 20 нафарга яқин ишсиз фуқаролар қурилиш ишларида ва тadbиркорлик шохобчаларига жалб этилиб, ишга жойлаштирилди. Туман пудрат таъмирлаш фойдаланиш корхонаси раҳбарига йўланган депутатлик сўрови ўрганилиб, кўп ўтмай амалий натижаларга эришилди. Айни кунларда йўлсозлар "Кўшета" МФЙдаги "Жонбулоқ" қишлоғининг 4 километрлик ички йўлларига таъмирлаш ишларини тугатиш арафасида, шунингдек, "Чанок" қишлоғида ҳам 2 километрлик ички йўллар жорий таъмирланмоқда.

Шу йил 14 апрель куни "Шерали" қишлоғида яшовчи олий маълумотли ёшлардан Раҳмон Азимов ва Аббос Мавлонов доимий иш билан таъминланишда амалий ёрдам сўраб, депутатлик гуруҳимизга мурожаат қилишди. Ушбу мурожаатга асосан гуруҳимиз аъзоси Раъно Бердиева ва туман партия кенгаши раиси Камолддин Камолбеков билан мулоқот уюштирилди.

Депутатлик гуруҳимиз аъзолари Отабек Бозоров ва Раъно Бердиева апрель-май ойларида "Камалак" болалар бoғчасида 29-умумтаълим мактабларидаги синф ўқувчилари сонининг

санитария-гигиена талабларига мослиги, давомат, ичимлик суви ҳамда умумий дори-дармонлар билан таъминланганлик даражаси каби масалаларни ўрганишган эди. Ўрганишларда мактаб ва боғчаларда бир қатор камчиликлар мавжудлиги аниқланди. Шуларни назарда тутиб, жумладан, туман мактабгача таълим бўлими раҳбарига депутат Раъно Бердиева депутатлик сўрови юборди. Натижада "Камалак" болалар бoғчасида ичимлик суви ва дори-дармон-

Жорий йилнинг март ойида депутатлик гуруҳимиз аъзолари одамларнинг дарду ташвишини тинглаш, муаммоларни ҳал этишга кўмаклашиш мақсадида "Тожиқ" ва "Дашнобод" қишлоқлари аҳолиси билан мулоқот ўтказишди. Фуқаролар икки қишлоқни бир-бирига боғлаб турувчи кўприкни сел олиб кетгани боис бир талай қийинчиликлар юзага келганини билдиришди. Тез кунда депутатлик гуруҳимиз аъзолари тумандаги мутасадди ташкилотларни жалб



тир инжиниринг" қурилиш компаниясида 2019 йилнинг 13 май куни Р.Азимов электромонтаж устаси, А.Мавлонов техника хавфсизлиги бўйича муҳандис этиб ишга қабул қилинди.

Партия депутатлари июнь ойида "Тожиқ" қишлоғида яшайётган аҳоли ҳолидан хабар олиш мақсадида уйма-уй юриб, фуқаролар билан мулоқотга киришганларида кам таъминланган ва ногиронлиги бўлган Салима Қаюмова ва Феруза Раҳмонова моддий ёрдамга эhtiёлжлари борлигини маълум қилишди. Бу хайрли ишга ҳомийлар ва Раҳим Одинаев жалб этилиб, улар муҳим иш ўрни билан таъминланди. Келгусида янги боғ ҳосилидан келган даромад 78-умумтаълим мактабининг иқтисодий таъминотида, бу ерда меҳнат қилаётган боғбонларнинг оилалари фаровонлиги учун сарфланади.

лар билан таъминланганлик ҳолати яхшиланиб, тарбиячилар тумандаги энг намунали "Пахтаой" мактабгача таълим муассасасида ибратли тажрибаларни ўрганишди.

Яна бир хайрли ташаббусимиз қўллаб-қувватланиб, шу йил 25 февралда туман ҳокимлиги ер захирасидан 78-умумтаълим мактаби учун 5 гектар ер ажратилди, хашар йўли билан 2500 тул олма, олхўри, ўрик, бодом сингари меваги дарахт қўчалари ўтказилди. Боғдаги ниҳолларни парвариш қилиш учун Ражаб Одинаев, Нурбек Одинаев ва Раҳим Одинаев жалб этилиб, улар муҳим иш ўрни билан таъминланди. Келгусида янги боғ ҳосилидан келган даромад 78-умумтаълим мактабининг иқтисодий таъминотида, бу ерда меҳнат қилаётган боғбонларнинг оилалари фаровонлиги учун сарфланади.

Маҳфуза ЎТАЕВА,
халқ депутатлари Фузор
тумани Кенгашидаги
Ўзбекистон "Адолат" СДП
депутатлик гуруҳи раҳбари

ЖИНОЯТ ҲАҚИҚАТИ ВА АДОЛАТ

Инсон умри давомида қандайдир хатолар қилади. Гап хатода эмас, ундан тўғри хулоса чиқаришда ва хатолиқни таъмирлашда, албатта.

Қулфбузарлар қўлга тушди

Василий Иванов Навоий вилояти "Металл-Коорд" МЧЖ шаклидаги қўшма корхона ишчиси, Навоий шаҳрининг Галаба кўчасидаги хонадонда яшаган.



Жомий кўчасидаги 35-хонадоннинг эшик кўнгируғини босишда. Кўнгируғидек эшикни ҳеч қим очмайди. Демак, уйда ҳеч қим йўқ.

истикомат қилиб келаётган Бухоро шаҳар, Мустақиллик кўчаси, 58/2-уй, 39-хонадонга гайриқонуний равишда кириб, уйнинг ётоқхона қисмида бўлган бахоси 80.000 сўмлик темир сейф ҳамда унинг ичидаги 750.000 сўм нақд пулни, 1750 АҚШ доллари ва 20.000.000 сўмлик тилла тақинчоқларни ўғирлаб, жабрланувчига жами 34.692.250 сўмлик моддий зарар етказиб, жиноят жойидан яширилади.

Бировнинг мулкни ўз мулкига айлантиришда устаси фаранга айланаётган гуруҳ аъзолари яна бироз вақт ўтар-ўтмас Бухоро шаҳрига йўл олишади. Василий ва Толиб Тельманни "Чинор" ресторанига яқин ҳудудда қолдириб, режа бўйича ишга киришади.

Улар жиноий ишни амалга ошириш ниятида 2018 йилнинг 27 июль куни соат тахминан 18 ларда Навоийдан Бухоро шаҳрига йўл олишади. Василий асосий вазифини бажаришни ўз зиммасига олади.

Улар 5-микрорайон ҳудудига бориб, кўп қаватли уйларни кўздан кечириб, ўзганин мулкни яширин равишда талон-торож қилиш мақсадида "Абдурахмон

ЖИНОЯТГА ЖАЗО МУҚАРРАР

Маълумки, бугунги тинч ва осуда ҳаётимизни ҳамда жамиятимизда таъминланаётган қонун устуворлигини ички ишлар органлари ва уларнинг фидойи ходимларисиз тасаввур қилиб бўлмайди.

Сохта ИИБ ходими 7 йилда 9 маротаба суднинг қора курсисига ўтирди

Аммо таассуф билан айтиш лозимки, айни пайтда фибрибгарликни ўзига касб қилиб олган айрим юртдошларимиз "Ички ишлар ходими" деган шарафли номни булгаётган ҳолатлар ҳам оз бўлса-да, буй кўрсатиб қоляпти.

Гап шундаки, қонунга биноан хавфли рецидивист деб топилган Жобирхон 2018 йил апрель ойида миллий ширинликлар ва турли пиширликлар билан савдо қилувчи таниши Насиба Мамажонованинг уйи сотиб олиш ниятида юрганидан хабар топиб қолди.

Шундан кейин Жобирхон талончиликка қўл урди. Яъни Асака шаҳрида юрган пайтида қиракеш машиналардан бирига қўл кўтариб тўхтади. Сўнг хайдовчи Фуломжон Қўлдошевга ўзини ИИБ ходими Санжар деб таништириб, Фарғона шаҳридаги 10-сонли тергов ҳибсхонасига олиб бориб келишини илтимос қилди.



жон Қўлдошевнинг хайдовчилик гувоҳномаси ва оғохлантириш талонларини очикдан-очик талон-торож қилиб, воқеа жойидан қочиб кетди.

Бундан ташқари, Ж.Алимов 2018 йил 18 декабрь куни Наманган шаҳрида яшовчи фуқаро Зокир Мансуровни ҳам "ўзига хос" усулда чўв туширди.

— Исмим Азиз, "горот-дел"да ишлайман. Илтимос, Марғилонга олиб бориб қўйсангиз. Хизмат ҳақингизни бераман, — деди мулоийим муомала қилиб.

Албатта, у ўзини Наманган шаҳар ИИБ ходими деб таништиргани сабабли 3.Мансуровнинг илтимосини ерда қолдирмай, "Нексия-2" русумли, 50 F 898 EA давлат белгиси автомашинасини Марғилонга қараб хайдади. Марғилонга етиб боришга эса Жобир хайдовчини Тошлоқ тумани марказига бошлади.

ланиб олайлик, иш қочиб кетмайди, — дея 3.Мансуровни Тошлоқ шаҳарчасидаги "Табассум" ошхонасига таклиф қилди. У шундай деб икки кишилик овқат, нон, чой ва салат буюрди. Кейин Зокирдан: — Машинангизни бериб турсангиз, овқат келгунча гир этиб бир жойга ўтиб келаман, — деб сўради. Наманганлик хайдовчи эса унинг ИИБ ходими эканлигига ишонгани учун ҳам ҳеч иккиланмай машина қалити берди. Лекин фибрибгар нархи 50.000.000 сўм бўлган бу машинани хайдаб кетгач, аввалига машина салониди 200.000 сўм миқдориди пул, 3.Мансуровнинг фуқаролик паспорти ва хайдовчилик гувоҳномаси, суғурта полиси, автомашинани бошқариш учун расмийлаштирилган ишончнома ҳамда бошқа ҳужжатларни гаразғўйлик билан талон-торож қилди. Сўнгра шаҳарнинг Хўжапурсо маҳалласида фуқаро Муроджон Ибодовга автомашинанинг ўзига тегишли эканлигини айтиб ва жиноий йўл билан то-

лини оғритмасдан" катта даромадга эга бўлишни хоҳласа тез ва осон битадиган иш борлигини айтиди. Тельманнинг вази-фаси фақат машинасида мўлжалланган манзилга олиб бориб келиш бўлса ҳам қўлга киритилган даромадга тенг шерик бўлиши маъқул бўлиб, бу таклифга дарҳол рози бўлади. Уша кўннинг ўзидаёқ унинг автомашинасида Бухорога йўл олишади. Тельман машинасида ўтириб, уларни кутади. Василий кўп қаватли уйларнинг бирига кириб, эшигини таққиллатади. Тахмин қилингандай ҳеч қандай жавоб бўлмагач, Толибни зинада пой-қоқчиликка қолдириб, ўзи қўлидаги сим ёрдамида эшикни очиб, ичкарига киради...

Кўнгируқ чалинганда ичкаридан ҳеч қим жавоб бермаганлиги туфайли Василий одатдаги усулда қулфни очаётганида аксига олиб қолган жияни ҳам кишлоққа тўйга кетган эди. Василий бор-йўғи 10 дақиқа ичида хонадондан анча-мунча даромадни қўлга киритиб, бугунги "ови" бароридан келганидан хурсанд бўлиб, шериклари билан уйига қайтади. Уша куни Тошкентдан қайтган хонадон эгаси Б.Нуриддинов хотинини уйи олдиди машинадан тушириб, ўзи уйга ҳам кирмасдан жиянингнинг тўйига кетади, аммо у тўйхонага етиб борар-бормас турмуш ўртоғи кўнгируқ қилиб, вазиятни тушунтиради...

Албатта, энди текин даромад топиш илинжида юртдошларининг пешона тери билан топган ва яхши қулнарига атаб йўққан маблағларини ўғирлаб, уларнинг орзу-хавасларини қўққа совурган жиноятчиларнинг 8-9 йиллик умри оиласи, яқинлари, дўст-ёрлари билан меҳнат қилиб, шодомонликда умргузаронлик қилиш ўрнига жазони ўташ колонияларида афсус-надоматда ўтади.

Кўлимиш-қўдирмиш деганлари шуда, ахир.

Бекзод ТОШЕВ, жиноят ишлари бўйича Бухоро шаҳар суди судьяси, Саодат МАТЁҚУБ ҚИЗИ, "Adolat" мухбири

АДОЛАТ ТАРОЗИСИ

Олий ўқув юртига кириш имтиҳонлари яқинлашгани сари "ўқишга киритиб қўяман", деган кимсалар кўпайиб қолади. Мақсад аниқ — "ўлжа"ни топиб, алдаб пулини олиш. Улар ўқишга киритиш баҳонасида пулни олади-да, кейин жуфтакни ростав қолади.

"Ҳожатбарор"

Нормурод Шеров (исм-фамилиялар ўзгартирилган) олий маълумотли, бир нафар фарзанди бор. Нуфузли университетда ўқитувчи бўлиб ишласа-да, пул топишининг осон йўлини ўйлаб юрган кезлари Мақсуд Нуриддинов билан танишиб қолади.

"Жияним анчадан бери кучли ўқитувчилар ёрдамида тайёр-гарлик кўриб келапти. Хар эҳтимомга қарши олдини олиб қўйган яхши. Мабодо 1-2 балл етмай қолса, ёрдам берарсиз. Кира олманга тақдирда пулни қайтариб берарсизми?" деб сўради Мақсуд.

"Ака, кўнглингиз тўқ бўлсин. Мени ким деб ўйлаясиз? Менинг танишим чакана одам эмас. Жуда юқори лавозимда ишлайди. Исмлари "Лобархон", дея Нормурод унинг қўйини пуч ёнғоққа тўлдирди. Н.Шеров қармоққа илинган "лаққа балик"-ни ўша танишининг ёнига бошлаб боради. Н.Шеров Л.Холмуродовага жияни ўқишга келганини айтиб, қайси факультетга топширгани маъқул деган маънода савол беради.

Шундан сўнг Мақсуд ва Нормурод 2018 йил 6 май куни 12:00 да яна учрашади. Сўхбат чоғида Н.Шеров М.Нуриддиновдан қариндошини ўқишга киритиш учун қанча пул беришини сўради. Мақсуд ҳозирча 7-8 минг АҚШ доллари миқдориде пули борлигини, қариндоши ўқишга киргач, унга яна алоҳида пул беришини айтиди.

Гапни бир жойга қўйган "оғайни"лар 2018 йил 17 май куни университет биносида кўришишга келишиб олишади. Уша куни фибрибгар Мақсуддан унинг жиянини ўқишга киритиш учун 8.000 АҚШ доллари(64.206.640 сўм)ни олаётган вақтда ҳуқуқни муҳофаза қилувчи орган ходимлари томонидан ашъвий далиллар билан қўлга олинади.

Суд айбланувчи Н.Шеровга жазо тайинлашда унинг айбига тўлиқ иқорлиги, қилмишидан чин қўнғилдан пушаймонлиги, илгари судланмаганлиги, оилавий аҳоли, яшаш ва иш жойидан ижобий таъсирланганлигини инобатга олиб, унга тегишли жазо тайинлади.

Алишер РАИМБЕРГЕНОВ, Бош прокуратура ҳузурдаги Департаментнинг Олмасор туман бўлими бошлиғи

Божхона бекати

Хорижий валюталар "операцияси"

Хоразм вилояти божхона бошқармаси "Шовот" чегара божхона пости ходимлари томонидан чет эл валютасини юк автомашина хайдовчилари орқали олиб чиқиш ҳолати аниқланди.

Хусусан, мазкур пост орқали қўшни давлатга ўзининг "VOLVO" русумли юк автомашинасида чиқиб кетган фуқаро М.Ш. белгиланган тартибда ҳолислар иштирокида қўздан кечирилди.

Натижада юк автомашина кабинасидаги қора рангли сумкадаги ҳужжатлар орасига 7000 АҚШ доллари яширилгани фош бўлди.

Аниқланишича, мазкур пуллар ушбу шахснинг таниши М.га тегишли бўлиб, унинг илтимосига биноан чегарадан олиб ўтиб бермоқчи бўлган.

Шунингдек, Тошкент вилояти божхона бошқармаси "Фишткўп-рик" чегара божхона пости ходимлари томонидан қўшни давлатга ўтиш учун ушбу пост орқали ҳаракатланган фуқаро С.Ш. шахсий кўридан ўтказилганда, эндидаги кийими ичида йўловчи божхона декларациясида ёзиб кўрсатилмаган ва озаки сўровда тақдим қилинмаган 7 625 АҚШ доллари хорижий ваютасини яширинча олиб ўтишга бўлган уриниши фош этилди.

Айнан ушбу пост орқали қўшни давлатга отланган яна бир фуқаро А.Г.нинг сумкаси ҳолислар иштирокида божхона текшируви-дан ўтказилди. Натижада, ушбу шахснинг юклари орасида озаки сўровда тақдим қилинган 2000 АҚШ доллари билан ташқари, божхона назоратидан аширилган 4830 АҚШ доллари хорижий валютаси ҳам борлиги аниқланди.

Яна бир ҳолатда фуқаро В.Б. мазкур пост ходимлари томонидан белгиланган тартибда шахсий кўридан ўтказилганда, чўнтаклариде озаки сўровда айтилмаган ва йўловчи божхона декларациясида ёзиб кўрсатилмаган 110 000 Россия рубли ҳамда 7 000 АҚШ доллари нақд хорижий валюталарини яширгани маълум бўлди.

"Фарход" чегара божхона пости ходимлари томонидан эса қўшни давлатга ўтаётган фуқаро Х.О. 562 000 Россия рубли миқдориде хорижий валютани яширинча олиб ўтиш вақтида тўхтатиб қолди.

Ҳозирда мазкур ҳолатлар юзасидан божхона текширувлари давом эттирилмоқда.

Давлат божхона қўмитаси ахборот хизмати

ИИБ хабари

Янгийўлда йў-транспорт ҳодисаси

Жорий йилнинг 17 июль куни соат 05:30 ларда Тошкент шаҳар Сергели туманида яшаган 27 ёшли Д.Н. бошқарувидаги "Opel omega" русумли автомашинасини Тошкент вилоятининг Янгийўл тумани Чортоқ маҳалласи ҳудудидан ўтувчи "Қуйчириқ" — Тошкент" йўлида хайдаб кетаётиб, шу йўналишда ўзидан олдинда ҳаракатланиб кетаётган Наманган вилояти Чортоқ туманида яшовчи 62 ёшли А.И. бошқарувидаги "DAF" русумли юк автомашинасининг орқа қисмига урилиб, йўл-транспорт ҳодисаси содир этган.

Натижада "Opel omega" автомашинаси хайдовчиси ва унинг йўловчиси, Сергели туманида яшаган 22 ёшли А.У. исми аёл жароҳат олиб воқеа жойида вафот этганлар. Ҳолат юзасидан жиноят иши қўзғатилиб, тергов ҳаракатлари олиб борилмоқда.

Ўзбекистон Республикаси ИИБ Жамоатчилик ва ОАВ билан алоқалар бошқармаси

